

S-DU IAH-‘EN-GO SHŮ-SING. DI-NYI-FONG. 使徒

約翰個書信 第二封

2I’e. I.

Ngô lao-dzing nying *sia sing* peh Cü sô kæn-shün go t’a-t’a teng cong-we ling-lông ling-æ z ngô we-leh tsing-dao-li sô æ-sih go; yia feh-tæn-tsih ngô, ziu-z væn-pah sih-teh tsing *dao-li* cü-kwu tu æ-sih-go; ² ing-we tsing dao-li dzeng-læ ah-lah sing-li, yia we teng ah-lah üong-yün læ-tong; ³ Dæn-nyün *T’in-Vu* Jing-ming teng *T’in-Vu* Ng-ts Cü Yiæ-su Kyi-toh pô tsing *dao-li* teng jing-æ s-peh ng-lah, s-teh ng-lah hao teh-djôh eng-we, dz-pe, bing-en.

我老成人寫信撥主所揀選個太太等衆位令郎令愛是我爲了真道理所愛惜個；也弗單只我，就是凡百識得真道理主顧都愛惜個。² 因爲真道理存來阿拉心裏，也會等阿拉永遠來東。³ 但願天父神明等天父兒子主耶穌基督把真道理等仁愛賜撥爾拉，使得爾拉好得着恩惠、慈悲、平安。

⁴ Ngô k’en-kyin ng-go ling-lông ling-æ læ-tih i tsing dao-li tso-nying, ziang *T’in-Vu* sô feng-fu ah-lah ka, z ting hwun-hyi. ⁵ T’a-t’a, ngô næn-kæn feh *sia sing* lih-fah peh ng, tæn-tsih *kông* ih-hyang sô yiu go, ziu-z ah-lah yüong dô-kô siang-æ. ⁶ Keh-go siang-æ tsih dzæ-ü i Gyi lih-fah tso-nying. Keh-go lih-fah z ng-lah ih-hyang sô t’ing-meng, sô i-dzong go. ⁷ Ing-we yiu. hyü-to yiu-‘ôh-go cü-kwu c’ih-si, wô, Yiæ-su Kyi-toh *lôh-væn bing* m-neh dzing-we nyüoh-sing tso-nying; keh-z yiu-‘ôh-go cü-kwu, yia-z Kyi-toh-go te-deo. ⁸ Ng-lah zi yüong siao-sing s-teh ah-lah feh-we dzin-kong-dzing-ky’i, hao teh-djôh djün-be-go sông. ⁹ Væn-pah væn-ze, feh *neng-keo* z-djông pao-siu Kyi-toh kao-hyüing cü-kwu z feh joh-ü Jing-ming: *neng-keo* z-djông pao-siu Kyi-toh kao-hyüing cü-kwu z joh-ü *T’in-Vu* teng *Gyi* Ng-ts. ¹⁰ Ziah yiu nying tao ng-go u-sen feh ta-leh keh-go kao-hyüing læ, m-nao tsih gyi tao oh-li, yia m-nao teng gyi p’æn-dæn; ¹¹ ziah teng gyi p’æn-dæn z feng-kyü gyi-go w’a ‘ang-we.

⁴ 我看見爾個令郎令愛來的依真道理做人，像天父所吩咐阿拉介，是頂歡喜。⁵ 太太，我難間弗寫新律法撥爾，單只講一向所有個，就是阿拉用大家相愛。⁶ 箇個相愛只在於依其律法做人。箇個律法是爾拉一向所聽聞，所依從個。⁷ 因爲有許多誘惑個主顧出世，話，耶穌基督落凡並嘸得成爲肉身做人。箇是誘惑個主顧，也是基督個對頭。⁸ 爾拉自用小心使得阿拉弗會前功盡棄，好得着全

備個賞。⁹ 凡百犯罪，弗能夠時常保守基督教訓主顧是弗屬於神明；能夠時常保守基督教訓主顧是屬於天父等其兒子。¹⁰ 若有人到爾個烏碎弗帶勒箇個教訓來，嘸得好接其到屋裏，也嘸得好等其攀談。¹¹ 若等其攀談是分據其個壞行爲。

¹² Wa-yiu hyü-to z-ken hao sia sing peh ng-lah, feh-iao yüong pih moh ts nyin, z siang tao ng-lah u-sen læ te-k'eo kông-kông, s-teh ah-lah kw'a-loh we mun-tsôh. ¹³ Ng-go tsi-me z Cü sô kæn-shün go, gyi keh-sing ng-nô tu ts'ing-ts'ing ng en. Üô-meng.

¹² 還有許多事幹好寫信撥爾拉，弗要用筆墨紙硯，是想到爾拉烏碎來對口講講，使得阿拉快樂會滿足。¹³ 爾個姊妹是主所揀選個，其箇星兒因都請請爾安。亞們。